



Inatsisartut - Namminersornerulluni oqartussaanerup ilaa

Kalaallit Nunaat 1979-imi namminersornerulerpoq, tamatumalu nassatarisaanik Namminersornerullutik Oqartussat namminneerlutik inatsisiliorsinnaalerput oqartussaaffinnilu tamangajanni aqutsisuusinnaalerlutik. Oqartussaaffiit ikittunnguit kisimik aqutsivigineqanngillat, tassaallutik politeeqarneq, eqqartuussiveqarneq, saktutooqarneq nunanullu allanut tunngasut.

Namminersornerulluni oqartussaanerup ataani Inatsisartut inatsisiliortutut Naalackersuisullu Namminersornerullutik Oqartussat sussaqaarfiinik akisussaasuullutik aqutsisutut inissisimapput.

Inatsisartut ukioq suliffiat

Inatsisartut ukiuat septemberimi tallimangornerit pingajuanni aallartittarpoq ukiumilu tullermi tallimangornerup taassuma tungaanut ingerlasarluni. Inatsisartut Inatsisartut ukiuanni minnerpaamik marloriarlutik ileqqusumik ataatsimiittarput. Pissutsit immikkut pisariaqalersippasuk Inatsisartut immikkut ittumik aamma ataatsimiigjaqquneqarsinnaapput.

Inatsisartut ataatsimiinnerisa avataanni piffissaq naalackersuinikut sulinermut ataatsimiinnissallu tulliata piareersarneqarneranut atorneqartarpoq. Tamatuma saniatigut Inatsisartut ataatsimiititaliaat ukioq naallugu sulisarput, aamma Inatsisartut ataatsimiinnerisa avataanni.

Inatsisartut suliassaat oqartussaaffiilu

Inatsisartut nunatsinni inatsisinik peqqussutinillu akuersisartuupput. Taamaalillutik Inatsisartut aningaasaqarnermut tunngasutigut (Landskarsi) pissaanermik tamakkiisumik tigungminnituupput. Aningaasartuutit aamma akileraarutit akitsuutillu sulluunniit Inatsisartut akuersiseqqaarnagit akilersinniarneqarsinnaangillat.

Aningaasanut inatsit, Namminersornerullutik Oqartussat aningaasartuutissaannut isertitassaannullu killigititassanik aalajangiisusussaq, Inatsisartut ukiut tamaasa akuersissutigisarpaat. Aningaasanut inatsit atorlugu aningaasat atugassarisat agguataarneqar-



Inatsisartut

Postboks 1060
3900 Nuuk
Tlf.: +299 34 50 00
landstinget@gh.gl
www.nanoq.gl

nissaat Inatsisartut akuersissutigisarpaat. Taamatut agguataareri-aaseq Naalackersuisut sanioqqutassarinnngilaat. Aningaasartuutiniilli aningaasanut inatsimmik akuersinerup nalaani naatsorsuutigineqarsimannngitsunik aningaasartuuteqarnissamik Naalackersuisut Inatsisartunit akuerineqarsinnaapput. Inatsisartut Aningaasaqarnermut Ataatsimiititaliaata aalangerarpaat taamatut akuersisoqas-sanersoq. Tamatuma kingorna Aningaasaqarnermut Ataatsimiititaliap taamatut aningaasaliissutigisai ilassutitut aningaasaliissutinut inatsisip ukiumoortumik akuersissutigineqarneratigut Inatsisartunit tamarmiusunit taparserneqartarput.

Naalackersuisut ingerlatsinerat Inatsisartut killiliussaasa iluanni pissaaq (inatsisitut aningaasaliissutitullu ilusilikkat). Tamanna Inatsisartut, ilaatigut Landskarsip naatsorsuutaasa kukkunersiorneqartarnerisigut, nakkutigisussaavaat. Inatsisinut ingerlatsinikkullu ileqqorissaarnissamut naapertuuttumik Naalackersuisut kommunellu ingerlatsinerannik nakkutilliisussamik Inatsisartut Ombudsmandimik aamma toqqaasarput.

Inatsisiliorneq

Inatsisit peqqussutillu Inatsisartut akuersissutigisaat Inatsisinut tunngaviusunut, Namminersornerullutik Oqartussat Inatsisaannut nunanilu tamalaani isumaqatigiissutinut akerliusuussanngillat. Inatsisartut inatsisiliaat peqqussutillaallu pitsaasumik inatsisilior-nissamik tunngavinnut aamma naapertuutissapput.

Inatsisissatut peqqussutissatullu siunnersuutit Naalackersuisunit nalinginnaasumik saqqummiunneqartarput. Immikkoortup atuuffissamik iluarsartuussivigineqarnerata imaluunniit Inatsisartunut ilaasortap, isumassarsinerminik siunnersuuteqarnerminilluunniit malitseqartitsinerminut atatillugu Inatsisartunit akuersissutigineqartumik, Inatsisartunut saqqummiussinerata kingunerisaanik inatsisissatut peqqussutissatullu siunnersuutit saqqummiunneqarajupput.

Inatsisiliorneq

Inatsisissatut peqqussutissatullu siunnersuutit Inatsisartunut saqqummiunneqartut tamarmik ima suliarineqartarput:

Siullermeerineq

Siunnersuut nalinginnaasumik oqaluuserineqartarpoq ataatsimiititaliamillu susassaartumit kingornagut suliarineqartarluni.

Ataatsimiititaliami suliarinnineq itigartitsinissamik, akuersissutiginninnissamik allannguutissatulluunniit siunnersuuteqarnissamik inasuteqaammik imalimmik isumaliutissiissusiormik inaarneqartarpoq.

Aappassaaneerineq

Siunnersuutip allannguutissatulluunniit siunnersuutaajunnartut sukumiinerusumik oqaluuserineqarsinnaapput.

Allannguutissatut siunnersuuteqartoqarsimappat suliarinnineq naggataatigut taasissutigineqas-saaq.

Siunnersuut ataatsimiititaliamut suliasanngorteqqinneqarsinnaavoq, tamannali qaqutigoorpoq.

Taamaaliortoqarpat tamanna itigartitsinissamik, akuersinissamik allannguutissatulluunniit siunnersuuteqarnissamik inassuteqaammik ilassutitut isumaliutissiissusiortoqassaaq.

Pingajussaaneerineq

Siunnersuut itigartitsissutigineqarluniluunniit akuersissutigineqartarpoq.